


Судакъ шеэр больгеси «Къырымтатар тилинде окъуткъан 3 номералы
умумтасиль мектеби»

Къырымтатар эдебияты

Дерс мевзусы:

*Исмаил Гаспринскийнингъ публицистикасы.
«Шерджиман» газетасы*



*Одта: Куршутова
Гульмира Мухаммедовна*



Мевзу: Исмаил Гаспринскийнинъ публицистикасы. «Терджиман» газетасы

Дерсинъ тюрю: янъы мевзуны анылатув

Макъсат: талбелерге И. Гаспринскийнинъ омюр ве яратыджылыгы, онынъ джемиет огюнде эмиети акъкъында бильгилерни пекитмек, публицистика саасындаки фаалиети акъкъында малюмат берюв, «Терджиман» газетасынен таныш этюв; сёз байлыгыны арттырув, улу мутеффикиримизге урьмет ве сайгы дуйгюларыны къавийлештирюв; окъув медениетини инкишаф этюв.

Талбелернинъ эсас фаалиети: суаллерге джевап берюв, лугъатнен чалышув, метин узеринде фикир юрютюв, группаларда чалышув.

Терминлер: публицистика, матбуат, икметли сёзлер, сенкан

Донатма: И. Гаспринскийнинъ портрети, онынъ китаплары сергиси, мультимедиа тахтасы, слайдлар, И. Гаспринский акъкъында азырлангъан видеофильм.

Эпиграф: «Эр шейнинъ башы - окъув, бильги, эдебий тиль, миллий матбуат, эдебияттыр. Буларсыз не миллетни сакъламакъ, не де онынъ келеджегини темин этмек мумкюн» (И. Гаспринский)

Дерсининъ кетишаты

I. Тешкилий къысым

Селямлашув. Дерске азырлыкъ.

II. Талелелернинъ таянч бильгилерини фааллештирюв

1. Слайд №1 (Исмаил Гаспринскийнинъ фотосы ве эпиграф)

«Эр шейнинъ башы - окъув, бильги, эдебий тиль, миллий матбуат, эдебияттыр. Буларсыз не миллетни сакъламакъ, не де онынъ келеджегини темин этмек мумкюн» (И. Гаспринский)

а) эпиграфтаки сёзлер устюнде чалышув: окъув, бильги, миллий матбуат, эдебият

б) не ичюн оларсыз не миллетни сакъламакъ мумкюн, не де онынъ келеджегини темин этмек мумкюн дегиль дей Гаспринский? (*Талелелер джевап берелер*)

в) бильги, окъув, тиль акъкъында 2-3 аталар сёзю (*Талелелер айталар*)

2. Эв вазифесини тешкерюв

Талелелер Исмаил Гаспринскийнинъ аяты ве яратыджылыгы акъкъында малюмат берелер. (2 группагъа болюнип, джевап берелер)

3. Исмаил Гаспринскийнинъ икметли сёзлери устюнде иш (Талелелер эки группагъа болюнип, И. Гаспринскийнинъ икметли сёзлерини анълаталар)

«Бизим девримиз-бильги девридир. Бильгизиз яхшы яшамакъ мумкюн дегиль»

«Бильги сауби – халкъ, озь бахтыны, озь боллугъыны озю тапар»

«Инсангъа бильгисиз адым атмакъ мумкюн дегиль»

«Бир шейни бильмек- бу эйи дегерлик; шу бильгенинъни бильмеген иле болушмек даа да эйи дегерликтир»

4. Индивидуаль иш (Сёзлерни рус тилине терджиме этюв)

Маариф

Мутеффикир

Терджиман

Улу

Истидатлы муаррир

5. Мий уджюми. Сёзлернинъ манасыны аньлатув (Суаллерге джеваплар)

III. Огрениув фаалиетининъ мотивациясы.


Окъув меселени тизмек ве бильги алув макъсадыны къоймакъ.

1. Слайд № 2 Метин узеринде чалышув. (Мевзу ве гъаесини аньлатув)

«Матбуат –бу ойле бир кучь, ойле бир къудреттир ки, щ энъ узакъ месафелерни кечип, девирлерни бири-бирине якъынлаштыра. Бизим девиримизде пек чокъ буюк ве кучюк халкълар бу эйи къудретке саиплер, амма бизде даа матбуат ёкътыр. Бу ал бизни чокътан къасеветлендире ве меракъландыра». **Исмаил Гаспринский**

2. Ассоциатив чалысыны тизюв

Матбуат: газета, макъале, рисале, дерги, меджмуа



3. *Матбуат* сёзюне синоним тапмакъ

4. Талелелер мевзу ве эпиграфны дефтерлерде язалар



IV. Раатлыкъ дакъкъасы

Гаспринскийнинъ «Ешилъ ада» шииринден парча

Бунъа «Ешилъ ада» дерлер,

Юдже маали Чатыр-дагъ.

Бунынъ бир тарафы чельдир,

Бир тарафы багъча-багъ.

Келир сувлар яйлалардан,

Не гузельдир бойлары,

Алтын ашлыкъ тарлалары,

Къозулары, къойлары.

V. Янъы мевзу устюнде иш

1. Мий уджюми. Услюплер чешитлери (*Талелелер айталар*)

2. Оджа сёзю:


Слайд № 3 (Исмаил Гаспринскийнинъ газета акъкъында айткъан сёзлери)

«Газета - бу марифет махсулдыдыр, бу махсулгъа исе биз гъает мухтаджмыз»

Исмаил Гаспринский 1883 сенеси апрель 10 (23)- тен башлап омюрининъ сонъуна къадар "Терджиман", арада "Миллет", "Алем-и Нисван", "Ха-ха-ха", "Алем-и Субьян" газеталары ве меджмуаларны нешир этти. Озюнинъ шахсий кунъделик матбуатындан гъайры, илим ве турмушнынъ чешит сааларына багъышлангъан юзьлернен китап ве рисалелер басып, миллий тасилининъ дереджесини чокъ керелер юксельтти. .

«Терджиман» газетасы Къырымнынъ бутюн медений ве ичтимай аятында мусбет тесир эте. Газетада бойле мевзуларда макъалелер басыла:

- ана тили ве рус тилининъ огренюви
- мектеп аятынынъ кетишаты
- къадын-къызларнынъ вазieti
- оджаларнынъ мутехассыз оларакъ азырланувы
- дигер халкъларнынъ яшайышы ве медениети акъкъында
- рус классиклернинъ эсерлерининъ терджимелери



Бу газета ве онынъ нешири тек эдебиятымызда дегиль, айны заманда, кырымтатар журналистикасы ве газетаджылыгында, публицистикамызны инкишаф эттирювде, маарифчиликни илерилетювде, умумен халкъны ярыкъландырувда, онынъ медениетини котерювде, бутюн бу сааларда къалеми пишкин истидатлы мутехассыслар осьтюриуе буюктен-буюк роль ойнады.

«Терджиман» газетасыны Къырымда, Кавказда, Къазанда, Уралда, Сибирьде, Орта Асияда, Индистанда, Иранда ве дигер мемлекетлерде окъуй эдилер. «Тильде, фикирде, иште бирлик» шиары алтында чыкъкъан бу газета тюркий халкъларнынъ бирлешмеси, миллий медениетлери осьмеси огърунда буюк хызметлер япты.

Слайд № 4. (№Терджиман» газетасынынъ ресимлери, типографиясы ресими)

3) Исмаил Гаспринскийнинъ публицистикасына багышлангъан видеофильмни сейир этиюв.

4) Дерсликнен чалышув

VI. Пекитюв.

1) **Блиц-сорав** (яны мевзу боюнджа)

а) Исмаил Гаспринскийнинъ «Терджиман» газетасы не вакъыт нешир этиле башлады?

б) «Терджиман» газетасы насыл шиар алтында нешир этиле эди?

в) Исмаил Гаспринский къадынлар ичюн махсус насыл меджмуа нешир эте эди?

г) Исмаил Гаспринский балалар ичюн насыл меджмуа нешир эте эди?

д) Исмаил Гаспринскийнинъ юмористик нешири?

е) «Терджиман» газетасы къач тильде чыкъа эди?

ж) «Терджиман» газетасы къач йыл девамында нешир этиле эди?

2) **Карточкалар устюнде иш.**

Шимди сизге бойле вазифе: Мен сизге бойле саифечиклер береджем, олар устюнде эсерлернинъ серлевалары ве газета журналларнынъ адлары язылгъан. Сизге керек оладжакъ Исмаил Гаспринскийнинъ яратыджылыгынен багълы сезлерни онынъ фотосы янында япыштырмагъа, къалгъанларыны башкъа шаир ве языджылар деген ерге япыштырмакъ керек



3) Сенкан тизюв (*публицистика* *ве терджиман сёзлери*) Группаларда чалышув

VII. Рефлексия.

Мен не биле эдим?

Бугунь не бильдим?

Даа не бильмеге истейим?

Дерс акъкъында фикирлер (*Смайликлер вастасынен косьтерюв*)

VIII. Нетиджелев:

Баалав

IX. Эв вазифеси.

Берильген саифелердеки малюматны огренмек ве конспект язмакъ.

Иджадий вазифе. «Терджиман» газетасына мектебинъиз акъкъында макъале язмакъ.



